

四明叢書

張宗祥



黃先生談

黃談字子默元祐給事中夷仲之曾孫山谷先生從孫
實傳詩社之正印有文集三十卷自號淵壑居士早受
知于胡明仲侍郎其後劉共父樞密張安國舍人繼帥
湖南皆爲上客屬以文翰人門具美宜在朝廷而官止
權務壽不及知命識者惜之

周益公集

縣丞黃先生執矩

別見嶽麓諸儒學案補遺

黎先生口

梓材謹案斐然集有致黎先生書而
逸其名當是文定門人黎才翁之子

張氏家學

補安撫張于湖先生孝祥

附錄

廷試時策問師友淵源秦塤與曹冠皆力攻程氏專門之學先生獨不攻考官已定塤冠多士先生次之曹冠又次之高宗讀塤策皆秦檜語于是擢先生第一而塤第三

梓材謹案劉後村跋許教一鶚廷對策云昔張安國對策譽檜既魁天下大悔之後交遊朱張爲紫巖上客亦安國也蓋嘉其晚節云

參政張先生孝伯

張孝伯和州人總得祁從子隆興間進士官至參知政事時韓侂冑當國先生勸弛偽學黨禁一時賢人貶斥者得漸還故職

姓譜

向氏門人

通判胡先生□

胡□

梓材謹案胡澹庵與向宣卿云先兄通判獲出門下

金氏家學

金先生悅

見上衡麓門人

高氏門人

陳先生景肅

陳景肅字和仲漳浦人有學行師事高登與同邑吳大成隱漸山石榴洞登紹興進士授仙遊令薄賦輕徭旌善伐惡官至朝議大夫著禮疏詩疏及石屏壠翠集

道南

源委

陳氏講友

吳先生大成

吳大成字口口漳浦人紹興間秦檜當國隱漸山石榴
洞講明正學與陳俊卿林澤之歡聚賦詩乾道中奉檄
湖湘往來京浙著有梅月詩卷筆義經疑傳彙道南源委
于湖家學

張先生口

張口

附錄

朱子語類曰卜筮之書如火珠林之類許多道理依舊
在其間但是他作這卜筮後却去推出許多道理來

他當初做時却只是爲卜筮畫在那裏不是曉盡許多道理後方始畫這箇道理難說向來張安國兒子來問某與說云要曉得便只似靈峯課模樣有一朋友言恐只是以其人未能曉而告之以此說某云是誠實恁地說

于湖門人

知州王先生阮

別見滄洲諸儒學案補遺

謝先生堯仁

謝堯仁于湖門人也嘗序于湖集稱于湖每作詩文輒

問門人視東坡何如云 四庫書目提要

劉先生翰

劉翰字武子長沙人高宗紹興閒游于張于湖范石湖之門以詩名著有小山集 南宋文範作者攷

董先生道輔

董道輔武陵人于湖門人紹熙庚戌中秋後三日拜于湖墓有詩 景定建康志

章先生甫

章甫字冠之祁陽人徙居真州自號易足居士著自鳴

集六卷張端義貴耳集云有文集十卷少從于湖交游
豪放飄蕩不受拘羈云

四庫書目提要

參政家學

張先生卽之

張卽之字溫夫參知政事孝伯之子以父恩授承務郎
銓中兩浙轉運司進士舉歷官司農寺丞知嘉興未赴
以言者罷居祠主管雲臺觀引年告老特授直祕閣致
仕寶祐四年制置使余晦入蜀以讒劾閬州守王惟忠
于是削惟忠五官沒入其資下詔獄鍛鍊誣伏坐棄市

先生雖閒居移書言于淮東制置使賈似道恤其遺孤
又使從孫士倩娶惟忠孤女未幾似道入相中書舍人
常挺亦以爲言景定元年給還首領以禮改葬復金壇
田多先生倡義云先生以能書聞天下金人尤寶其翰
墨

宋史

陳氏門人

鄭先生柔

鄭柔字克剛漳州人紹興中在太學與時相秦檜湯思
退左嘗建議乞決意北征爲思退所阻調高要簿不就

歸隱九侯山著有康正題詠時甚重之

閩書

薛先生京

附楊耿

薛京字宗汴漳州人與鄭采俱師事陳景肅陳與秦檜忤辭知台州先生亦乞歸省檜以其爲景肅黨銜之歸與其徒講學漸山九侯閒賦詩自樂終檜之世屏跡不仕時同郡楊耿字國光在太學與先生齊名相率乞歸闢精一堂于修竹閒師焉

漳州府志

陳氏續傳

提督陳先生植

別見北溪學案補遺

宋元學案補遺卷四十一

宋元學案補遺卷四十一

三十四明敬書

宋元學案補遺卷四十二

目錄

五峯學案補遺

武夷家學

補胡先生宏

五峯講友

詹先生愷

五峯家學

補胡先生實

補 胡先生大原

胡先生大壯

五學門人

補 彪先生居正

補 吳先生翌

補 趙先生師孟

補 向先生渢

樂先生洪 詳見武夷學案

吳先生銓 別見武夷學案補遺

譚先生係

張先生械

五峯私淑

朱先生熹

詳晦翁學案

呂先生祖謙

詳東萊學案

詹氏家學

詹先生體仁

詳見滄洲諸儒學案

胡氏所傳

補楊先生大異

廣仲家學

胡先生寓

吳氏門人

葉先生定

別見嶽麓諸儒學案補遺

楊氏家學

楊先生霆

五峯續傳

金先生履祥

詳北山四先生學案